



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De conditionibus Notariorum substututorum, & scriptorum.

urn:nbn:de:hbz:466:1-11399

stet informationibus Archiepiscopi iussu sumendis.

Sciat aptè scribere; elegatè verò & ornatum stylum scribendi habeat, tum latina, tum communi lingua.

De hac omni scientia examinetur per Vicarium generalem, & alios duos eligendos ab Archiepiscopo, coram ipso Archiepiscopo.

Habeat ex emolumentis Cancellariæ 100 aureos singulis annis in singulos menses pro rata persolvendos, siue certa constituta portione, siue assignata rata aliqua parte singularum expeditionum Cancellariæ, quibus præfinita taxa est, unde tantundem percipiat, si diligenter muneri suo incumbat; sit etiam attributa illi ex omnibus Cancellariæ emolumentis certa taxa pro singulis expeditionibus Cancellariæ, etiam quæ nihil soluunt, quæ tantundem afferat proventus Cancellario, qui assiduus sit in suo munere præstando.

De collegio Notariorum substitutorum in Cancellaria.

IN Cancellaria Archiepiscopali, præter Cancellarium, sit collegium decem notariorum, qui substituti sint eidem Cancellario, eundemque adiuuent in omnibus Cancellariæ negotijs, ut opus erit, & infra præscribitur: eiusque nomine agant omnia Cancellariæ negotia per illos tractanda, etiam si absint à Ciuitate, ut in visitationibus.

Ijs singulis constituta sit annua portio ex emolumentis Cancellariæ in singulos menses pro rata persoluenta, seruata ratione supra præscripta in emolumentis Cancellariæ; eaque maior minorve sit pro cuiusque conditione & labore, Archiepiscopi arbitrio; sed nullo modo plus centum aureis annuis ad summum quisquam percipiat. Nec verò, etiam scriptorum nomine plures ijs Notarijs substitutis in Cancellaria aut in foro Archiepiscopali esse possint; nisi pro multitudine negotiorum, Archiepiscopus aliquando alios duxerit esse adiungendos vel Notarios, vel solum scriptores.

Nec rursus quisquam alius notarius, præter superscriptos substitutos in Colle-

gio Notariorum Cancellariæ adscriptos, valeat recipere, seu conficere vlla prorsus instrumenta, actave ad Cancellariam pertinentia, vel eiusdem Cancellarij nomine; sub pena falsi, & excommunicationis, quam ipso facto incurrat; nisi aliquando ex vrgenti causa Archiepiscopus in scriptis concesserit iusseritve aliquem extraneum substituti Cancellarij officio fungi: quo casu ille seruare teneatur quæcunque Notarijs substitutis Cancellarij præscripta sunt.

De conditionibus Notariorum substitutorum, & scriptorum.

ELigatur ijs Notarij substituti ab Archiepiscopo; qui vel perpetui sint, vel ad nutum amoueri possunt, ut ipse eorum singulorum agnitis conditionibus magis expedire censuerit.

Qui autem in perpetuum delecti fuerint, ij tamen ex demeritis amoueri liberè possint ab Archiepiscopo.

Sint Clerici, & Clericalem habitum semper gerentes, vbi possint haberi eiusmodi; præsertim verò substituti in actibus voluntariæ iurisdictionis, & in causis Sæcæ Inquisitionis, & criminalibus.

Annum ætatis suæ xxv. saltem attingant, & sint versati per quadriennium integre periteque in Notariatus officio, ex Concilio Prouinciali primo; nisi aliter Archiepiscopus ex causa aliquando admittendos censuerit.

Probentur examine habendo coram Vicario generali, adhibitis sibi Vicario ciuili, vel criminali, & Cancellario Archiepiscopali, & alio perito Notario.

Sint aliqui inter illos (ij præsertim qui Cancellarium in actibus voluntariæ iurisdictionis adiuuabunt) scientia, & alijs conditionibus supra de Cancellario præscriptis præditi; aut saltem eiusmodi, ut aliquando ad ordinariam in Ecclesia Metropolitana, & ad officium ipsum Cancellarij eligi, illudque congruè exercere & aptè possint.

Si qui verò scribere aut scriptores ordinarij aliquando assumendi erunt ad aliquid scribendum, aut scripturarum copiam faciendam, aut etiam aliqua acta recipienda quouis nomine; ij, si potest, & etate pro-

Notarij
electio.

Habitus.

Ætas.

Tit. de no-
tar. & scri-
bis pag. 15.
6. Qui in
Collegium
Approba-
tio.

Scientia.

Scriptores
quales.

ueti sint, & clerici, & habitu clericali incedentes; tum verò omnino ab Archiepiscopo prius moribus, & vita probati, atque ad id munus ab eodem scripto constituti; nec verò alij vlllo modo. Meminerint verò ij maximè, se eo loci adscitos, non ad temporanea lucra sectanda, sed quasi in schola quadam variorum exercitiorum; in qua, tum cognoscant negotia huius ecclesie, & apti fiant adiuuando eius regimini aliqua sua opera; tum Archiepiscopus cognoscat, quid talenti quisque illorum habere possit, quod in illius obsequia, & seruitia impendant suo tempore.

Ideoque (quantum per occupationes licebit) ne studia bonarum literarum intermittant, sed incumbant illis; vt suo tempore ad Seminaria, aliave loca remitti restituere possint, plenius illis operam daturi; vel alijs muneribus huius ecclesie inferuire, vt Archiepiscopus censuerit.

Notarij omnes substituti, ac Scribe, qui clerici sunt, & habitum clericalem gerunt, decenti superpelliceo induti, omnibus diebus festis diuinis interfint officijs, his in ecclesijs quibus adscripti fuerint.

Ij verò, qui adhuc nulli ecclesie addicti sunt, in Metropolitana ecclesia functiones agant, ac diuinis officijs interfint; nisi cum eo tempore iussu Archiepiscopi, seu Vicarij generalis, aliorumve huius fori Archiepiscopalis ministrorum, adeunt illas ecclesias, in quibus pro alicuius sancti celebritate, seu indulgentijs, aliave deuotione, populus frequens erit; aut monasteria, eorumque certa alloquendi loca, aliave Urbis partes, ad agnoscendam, procurandamve Archiepiscopalem decretorum edictorumve obseruationem, ac executionem, presertim de cultu festorum, & honestate in ecclesijs, & accessu ad predicta monasteria; aut alijs de causis alijs mittuntur.

At verò tamen ijs singulis ex emolumentis Cancellarie tantum detur, quantum ad illorum victum, & vestitum necessarium erit, arbitrato Archiepiscopi,

Communia Cancellario, & substitutis, & scriptoribus.

Cancellarius, & Notarij substituti, eorumve Collegium, nullam omnino facultatem iusve habeant vnquam quouis nomine propria statuta constitutionesve condendi; nec admittendi, vel excludendi eos Notarios substitutos, qui ab Archiepiscopo pro tempore eidem collegio Cancellarie adscribentur.

Omnes, scilicet tam ipse Cancellarius, quam predicti Notarij substituti, & scriptores etiam, seruent plenè hec reformationis decreta, ac cetera omnia statuta, constitutiones, taxas, regulas, & iussa Reuerendissimi pro tempore Archiepiscopi.

Maximè refert, eum qui gerit officium tanti ponderis, & tam multiplicis curæ, ac sollicitudinis, rursusque tam intimum Archiepiscopo, quale est officium Cancellarie Archiepiscopalis; eos item, qui illi substituti nomine, & officio cooperantur; ac denique illos etiam, qui scriptorum Cancellarie officio adscripti sunt; tum expeditos esse ab alijs omnibus negotijs, vt toti huic vni curæ incumbant; tum maximè liberos esse ab omni suspitione, vel minima, non modò corruptelæ, sed etiam cupiditatis, vel etiam cuiuslibet priuata animi affectionis.

Ideo ante omnia eis singulis, & vniuersis hec omnino vetamus.

Nè vllum, vel minimum munus, etiam spontè oblatum, etiam rerum esculentarum, & quæ statim consumi possint, accipere directè, vel indirectè possint à quauis vniuersitate, Collegio, vlloue homine, Ciuitatis, vel Diocesis Mediclanensis; nec verò ab vlllo etiam alienæ diocesis, qui lites negotiave in Archiepiscopali foro (quæcunque sint) vel habuit, vel habet, vel habere aliquando potest.

Ne cuiusquam negotia, lites, dispensationes, aliave expeditiones causalve, in vlllo, vel ecclesiastico, vel laicali foro agendas, pro mouèdas, tractandasve suscipiant, aut re ipsa agant, tractent, promouèant; nisi cum ratione officij

ex con-

Cancellarie
constitutio-
nes seruandæ.
quæ.

Interdictio
munerum,
& negotio-
rum alieno-
rum.

Foram om-
niū studia.

Diebus fe-
stis ad diui-
na off. con-
ueniant.

Forū mer-
ces.